


啟佳門類函


近
三十七




漢書門			
一	二	三	四
四	八	二	〇
冊	架	函	號

內閣文庫			
三	二		漢
六	四		書
冊	架	號	類

內閣文庫			
番號	漢	11439	
冊數	48	(23)	
函號	364	52	





啓雋近體卷三十七

類函四十九

東吳俞安期羨長彙編

上饒王嗣經曰常同輯

建武黃鍾彝孝先訂定

春官部 四貢舉

賀考官 監臨附

賀主考官啓

宋李 劉

獻賢能之書有嚴春貢登文章之錄來主夏盟恭惟
其官學探宏奧味別澠淄夜几跋紅寧慮三條之燭
盡寒窓穿碧豈容五色之眼迷提玉尺以裁雲倒珠
胎之貫月搜阿房之賦料亦焦心論石渠之經諒多

拔角春秋十二已歸此日之權衡禮樂三千何惜當年之衣鉢其茲承撤棘幸遂識荆思饑蠶蝕葉之聲悵當尋于舊夢寫饗蟲濕新之景尚願聽于新篇

賀沈相公主試啓

明周家棟

擁金鑾而撫五辰共贊皇圖于萬曆調玉燭而宣四序昭垂相業于千年惟新命之日膺實帝心之簡在事關宗社慶洽華夷恭惟某官天上星精人間真宰鴻臚三唱獨看花於瓊林鳳閣十尋再宣麻平玉殿任天下重一身久係安危為帝者師平生志非溫飽輿情允協朝政更新夙夜以事一人小心翼翼吐握以延多士恭德溫溫棘院掄材炫金波於靈府楓宸奏籍朗玉燭於神機帝曰得人僉云玄鑑誠曠古僅聞之碩輔實天朝創見之純臣也其沐化雨于門墻

恩沾百世坐春風于函丈緣締三生出司海國之刑
書千里蒼生何補仰藉雲天之覆庇九重丹詔飛來
如此生成銘之賜肺可勝祝頌莫罄揄揚伏願益懋
絲綸長爲柱石胡人不敢牧馬威名重百二之秦關
國士願欲登龍賢俊遍五千之禹服毘社稷山河于
永固享祿位名壽于無疆

賀李集虛太史主考啓

明蔡復一

鵬翮健秋展期而風積逾厚龍門宗李相士則霞蔚
知歸張楚在茲寧周振昔恭惟某官長庚孕魄太乙
吹光胸中三萬軸懸籤星辰二酉筆下五千言秘笈

雷電六丁惟南國占衡聚奎倍爍乎離位乃上台司
命揭斗聿觀乎賁文蓋江漢多士思皇陋杞梓之雜
伯而聖王作人壽考重棧樸之求賢宋法之試宏詞
曾聞改月漢臣無如太史終遣浮湘班荆以論卿材
爲壇而觀楚寶旣收百中之棄兼甄三品之金廣樂
張湖審音宜逢季札湛盧入夢評價詎爽風胡雖鷄
次有初何雲夢之網羅翻成異舉然驥經獨授則天
機之成後默察權竒定知必有非常之人以光如不
得已之命賢書一出卽擅乎荆南錄文相傳果妙乎
天下凡歸藻鏡皆喻李蹊某誦辨璞之恒言發紉蘭

之舊詠覺已贅矣靜而思之以屈子之騷而僅鳴孔
後以謝羅之獄而弗顯唐前靈傑自雄遭逢難合若
乃天窺熬火地貢菁茅道化際四十載之隆人倫極
第一流之選如此壬子可曰熙辰石非后變無以儀
群鳳鈞非龍伯不能致六鼇叨後論秀之邦竊續得
賢之頌喬松之在霄漢懷執御以無階焦桐之發宮
商冀聞聲而見采

賀沈太史主考啓

明夏 翰

側陋明揚鸚薦重賓興之典嚴廊妙選麟臺膺上試
之司愧傳鉢之無緣欣就斤之有自恭惟某官珪璋

德器黼黻才華蘸筆迴瀾清九流于心鏡開談捲霧
關四照于辭林掇科聯冠畿闈雙鳳同時矯翮掄品
蚤儲禁苑群英交遜瞠趨述王言有則有章價重燃
藜之閣討國史維詳維核光搖群玉之峯削鍊妙而
見者皆驚張樂高而聞者自失顛然師表展也宗工
頃因籲俊之期特慎內臣之選聖情南顧謂賢才不
擇地而生文運中興惟試事以得人而盛必學該流
畧斯可稱乎品題非望重京華難克堪乎藻鑑欽惟
師譽簡在帝心鴛鴦清班喜見玉堂風靜夔龍特注
遂承天語春溫爰藉尊嚴用司宗匠拜命彤庭異政

素隆于階錫驅車紫陌宮袍香帶平爐煙奎壁當空
華植滿門桃李斗山名世柄專萬里權衡鄂渚敷猷
榮給尚方之筆札鑿坡辭直猶懷秘閣之絲綸太岳
荆巫喜色動搖山岳蘭臺石室先聲駭震關河曠古
恩榮全荆模範探策命題獨出匠心之妙卽碩宿靡
用揣摩緣神定鑑直超尺幅之粗雖眉鬚不差毫末
瑤環瑜珥嗜侯評價于連城駉駉驕驕伯樂程能于
千里鬼神罔測機緘一息難通筆削親裁游夏片詞
莫贊風簷寸晷不苛白璧微瑕秋月冰壺豈待朱衣
暗點書登天府文明獨壓神州策奏皇堦俊士應偕
大對若歐陽貢舉正文體以維風邁仁傑存賢畧公
門而爲國信熙朝之盛事誠士類之福緣

賀宮詹主試啓

明

闕閱聳雲霄千古並槐陰振彩聲名題日月九重資
藻鑑掄文點綴珠璣允備上方形管輝纏錦繡遙分
太乙青藜賦就八叉辨溫庭筠之才思文成五色知
皇甫湜之英華從官九人允見韓絳明鑑禮闈三主
式侈裴臯盛名縱目天閑牝牡驪黃其在持衡清廣
臺萊杞梓兼收素愛不私歸家草凌雲之賦舊交有
感就蘇獻著麻之詩棧樸增榮奎婁動色某莊轍枯

鱗吳山腐草走卒兒童亦識昔聞司馬相公不知何處得來今有歐陽夫子品藻收三千桃李文章重百二山河

賀姚司諫主考啓

明蔡復一

漢綬朱衣借補天之筆色禹峯金簡綜擲地之賦聲
葵章日月一新玄感風雲倍合士歸司命楚得異材
恭惟某官斗氣燭龍練光辨馬玄譚勃罕太常著理
窟之名目論崇絃司諫生瑣闥之氣離報蕙賚之貴
賤樹畹自分抑揚騷辯之源流升堂直入共推東箭
宜棟南金上念豐芭之遺特難具事嘉藻鏡之選莫

易其人姚鉉鑑精尚隲唐詞二變下和璞在立收荆
寶連城星析校讐疑直垣之宵漏晴窓點檢恍禁掖
之曉籤蓋問虞淵以上林方可成雲夢校獵之賦而
聘歐冶於東越實使鑄龍泉太阿之鐔獻此楚琛篤
為周祐國士之遇必國士之報豈小斲以負工師事
君以言蕪事君以人期速肖而忠天子桂天漸成於
桂實槐月猶接於槐黃露重菊披招屈堪盟芳潔風
高鶡擊薦禰誰假羽毛某聽車馬之音何其久也結
鳳麟之網知子來之我有嘉賓雖隔食苹之宴王多
吉士願天卷阿之章仰六轡以如絲折九莖而寄佩

賀主試典浙闈啓

明鄭懷魁

文昌北斗光指牛女之分午運中天明啓風雲之會
南金東箭盡屬掄材左江右湖爭歸學海瞻求賢之
鉅典必蓋世之偉人伏惟某官伊訓說命之文章遷
史班書之紀載歲當大比命典首藩維河漢之明秋
值璧奎之耀夜木天記事暫輟仙室之班棘院衡文
雄觀霸國之氣名世五百肇啓昌期君子六千遴登
天府想游乎驪黃牝牡之外器程於規矩準繩之中
遂令越絕之山川咸識閩中之文獻榮施梓里賁及
栝州某夙親翰墨之林學真窺於四部行作簿書之
吏教無聞乎七經小雅肄三官士歌鹿鳴之始乾元
筮九文明仰龍見之期

賀主試副典浙闈啓

明鄭懷魁

星垣日直官槐催入棘之旌月路秋清仙桂惹握蘭
之袖始邦畿之髦俊分屬提衡今海國之英雄全收
入彀必得浙東西之士宜在帝左右之臣恭惟某官
奏議則烈日秋霜詩歌乃陽春白雪班高漢陛近切
螭頭詔下燕臺旁求駿足任臣兼股肱耳目相士豈
筋骨形容正湖海之名區有文章之司命此地六千
君子越國之霸氣猶存百二都城宋世之儒風尚在

家絃戶誦獨甲諸藩方矩員規宜申多士瞻今日之
貢舉係斯世之法程鄉榜初開士習與朝常並振賢
書甫上錄文將諫草俱傳惟侍從罔非正人故品題
便多佳士邦之司直文實在茲某門同玉筍之班歌
每從於燕市社傍金莖之氣賦最憶乎倚臺媿典郡
之無能喜文衡之在望鳳麟洲近仰共羽毛之宗鯤
鵬風高快覩鱗翼之化

賀任侍御監臨啓

明王家屏

門下文章宗匠綱紀清班攬轡荆襄提衡鎖院肅僚
貞度威稜飛繡斧之霜顛俊蒐竒識鑑徹冰壺之月

矢公矢慎謹擇可者於闈中其賢其良籍而獻之於
闕下惟善為寶信楚國之多材以禮為羅慶明廷之
得士詎惟桃李之植出自公門將同茅茹之升光於
泰道

遴選久懷夫精白識非懸鑑品題殊愧於雌黃祇拜
徵書勉修勸駕聊裁尺素先布寸丹繡斧旁求為鳳
麟而張帝網朱衣共事收龍虎以壯賢書斯台慈為
國之心庶幾仰慰卽不佞矢公之念亦藉少伸罔既
寅衷伏惟丙鑒

請入簾宴附監臨
請試官

請主考入簾宴啓

明謝廷諒

鳳池藻鑑光分太乙之垣鸞掖玄旌繡揆文昌之府
絢槐林而綰綬揚桂籍以彈冠寵渥雲臺綴騰天路
恭惟某官璇源濬止璫岫翔暉挺淵角之殊姿精微
喻指朗靈臺之懿曲妙善解願業綜九流詞林望而
踴景譽高一代談士依以揚聲籍甚南都揮毫振藻
褒然北闕射策稱雄卿雲舉首學已富於天人繁露
瑤篇人咸咀其英藻姤爍離光泰亨乾步燦明霞於
履袖鬯彩旭於章彝民幹國禎已隆公輔之望人倫

師表在日月之評士挹吹噓頓生羽翮人希矚
動飾光儀睠此豫章之材宿霑棫樸之化帝心簡在
申棘序以張羅皇鑒揆留毘蘭臺而握紀轡軒駐南
斗輝生紫曜之符文章落上台色借青衿之潤鄭門
六藝曳大雅以扶輪孔室四科渙清言而結課榻懸
仲舉寧無待於高人劍佩張華終有遇於神物其等
搜揚筦庫方憂岩釣之遺瞻竦蒲旌欣逢夢卜之舉
先鹿鳴而飭事樽俎肅陳駝虎視以求賢簪裾畢集
清氛旦捲天開黃道之辰勝引星奔人企朱輪之會

請給諫主考入簾宴啓

明謝廷諒

珥筆侍皇闈上苑光分藝苑乘輶辭帝闕瑣闈名重
棘圍鴛鷺排雲快覩長安之日鷓鴣擊水高搏渤海
之風驟首騰歡揚眉煥彩恭惟某官鴻芬錫祉璫檢
標華啓七畧之明禎含咀英藻賜八選之竒秘纂組
紛綸韶氣冲夷甄提道業環詞麗則掌握經籤擿藻
艷于天庭鑠鎔光于月緒珠盤盟載聿成運臂之風
寶牒科程頓滌文身之俗綴貂璫而陪紫闥芳軌繡
揚鳴鳳律以煥青郊瓊敷綺合腋分狐白言摧堅白
之鋒矚飾驪黃口定雌黃之品英規夙誕寵命新銜
詔起東山搖玉佩而趨丹陛望高北斗捧金函以下

赤輝紫曜玄符豫識干將之氣洪崖綠水遙連孺子
之居驚夜拆以搜揚猶疑禁漏之徹對晴窓而校閱
還思侍從之嚴慰籍名流褒嘉盛典其傾風仰鏡瞻
麟趾以廻皇拭霧韶文引羔旌而抃躍使星曉燦光
映紫微之垣卿月宵懸影徹朱華之館虔趨簪綬拱
候軒輿萬戶千門簾捲西山之爽五申三令筵開東
壁之祥

代請主考入簾宴啓

明張應泰

聖世諸材載闢聯奎景運上臣捧命俄瞻入斗文光
瑞動湖山歡騰衿佩恭惟某官騷壇士鳳螭砌人龍

遙閣黎懸錦帶同牙籤交映花磚影散瑤標共彩筆
爭妍明主揆衷斯文藉手何來物色揮鞭則萬馬齊
空悉與羅收舉釣而六鼇並致某等躬逢寵涖幸奉
周旋當棘院之初開酌桂醕而夙獻扶搖九萬且看
此日鷗鵬禮樂三千總屬公門桃李方同鵠待惟望
騶臨

代請分考入簾宴啓

明張應泰

雲五成以絢日載睹光華士三捷而趨風曷名踴躍
恭惟某官蘊九苞之采裊八索之奇朗鑒當懸一顧
驂騮長價平衡在握片言蒙傑歸心總道術之殊流

右卷四 卷三十七
作文章之司命幸茲藉手助我揚眉敬緣棘闈之初
開夙戒桂醕以始事七十郡英雄入彀惟待明公幾
千年文運中天正逢此日

請主考入簾宴啓

陝西
鄉場

明趙欽湯

歲德在庚天休集于京右文星臨酉人傑會于關西
選雋三千增輝百二恭惟其官各高闕域望重燕都
文章起士類之宗月旦作人倫之鑒乃者北庭銜命
西土掄英回日月之精明無私普照合山川之靈異
有美兼收辟雍之貢材球琳瑯玕之畢至方歎之相
馬牝牡駟黃之弗知自殫爲國之忠僉賀得人之盛

某等祇修藝典式燕嘉賓願瞻嘒嘒之鸞降聽啾啾
之鹿天香飄神俱爲月殿之人瑞靄映庭盡是雲衢
之客絃歌節奏文雅縱橫伏願如峻龍門儼臨虎座
威儀維鳳群英覩有道之刑德音孔昭庶衆覲周行
之示

請周座師分考入簾宴啓

應天
鄉試

明許成器

宮墻迤隔久踈立雪之儀衡鑑高臨獲假坐春之便
竊伺掄文之清宴敬申獻壽之赤忱恭惟某官當代
大儒斯文真宰蓬萊誕秀原種仙骨而具仙才禁苑
儲英實潤皇猷而翊皇運兩司南省之品題咸推得

士一典北雍之教育雅稱成賢適士風文體之奇衰
厘部議宸音之諄復念舊都之首善環四海而共望
為標簡近侍之元僚總五經而特示以軌眼高泰岱
睇匹練于吳門精徹斗牛識龍于豐獄諸引禪玄
必斥壹惟孔孟為程第取實不取華斬當世用寧失
才不失體力挽時趨方楓陛之宣綸士皆後志迄棘
闈之放榜人有頌聲景星慶雲罄纓紳而爭先快觀
光風化日豈弟子而敢後肅將其等共荷幃持未效
生三之報忽承色笑敢微問一之閒矧賢書飛捷之
時正秋實薦成之候慰上皇事君之願可舉慶觴攄

志士酬知之懷姑虔祝爵爰諏月九口口口口奉御
絳帷少修省觀之曠言隨赤舄實切步趨之思仰馬
慈俞俯垂善誘片言九鼎庶幾請事干服膺一日十
秋何幸披襟于侍側其為抃躍莫既敷陳

代請翰林正考入簾宴啓湖廣鄉試明鄧原岳

文苑持衡夙仰人倫之鑒明庭籲俊共驚帝簡之難
寧慎重而擇官故逡巡而降命均瞻北斗肅拜下風
恭惟臺下河嶽炳靈文章司命家傳忠孝世擅勳名
惟茲荆楚之邦實口湯沐之地恭承明詔廣取真才
不辭水陸跋涉之勞毋廢朝廷寤寐之典幸子大夫

之夙駕慰都人士之彈冠敬開徽省之樽敢屈蓬山之馭楚材堪採元資匠石之能荆璞可收終借下和之識高山仰止多士具瞻

代請吏部副考入簾宴啓 湖廣鄉試 明鄧原岳

帝簡天曹式重銓衡之寄地嚴材館實推藻鑑之司降命匪輕遭時非偶恭惟臺下天真朗徹位望高華起造化于毫端握星辰于掌上蓋衆意獨嚴弓旌之使而上心尤注湯沐之鄉故屢請而乃俞竟兼程而赴命雙旌閃電萬里馳風不辭七尺之奔勞用慰諸生之饑渴璠璣是寶何煩三獻之勞杞梓可材豈靳千金之價湘潭借色江漢生輝對大別以開筵望洞庭而張樂萬惟臨况曷任光榮

代請按臺入簾宴啓 湖廣鄉試 明鄧原岳

栢臺霜肅風行檝樸之鄉桂苑秋高化啓鷗鵬之路覃敷文命獨朗奎光恭惟臺下大猷經遠正氣匡時允中朝執法之班適南國多材之地金衡廣度元資師匠之功玉鑑高懸並受王明之福賓簾載誌天網斯張開四照于文林導百源于學海澄空璧月光含柱後之冠拂漢商飈氣稟雲間之仗敢藉紀綱之寵仰承貞肅之儀所望儼然不辭責只

監試請考試官宴啓

宋方岳

思皇多士偉制詔之賓賢作者七人實文章之司命
 甫矣徹棘幸哉識荆敢敬奉于壺觴竊願聞其衡鑒
 恭惟其座師胸羅斗宿手抉天章五經紛紛取青紫
 而芥拾地八韻畧刻補造化而聲摩空乃持玉界尺
 以裁量無復古戰場之遺矢其與聞選事獲並英遊
 煩彈壓于秋風諒屬厭于春藻日五色而不迷過眼
 酒一尊而細與論心尚有黃華可無清句

不載

下有七言律詩一首

請顧按臺入簾宴啓

明樊王家

豸繡飛霜法曜辛寒北極龍光射斗奎纏色映西江
 喜棧樸之雲蒸充豫章之岳貢恭惟某官清朝間氣
 當代偉人劍門擅千古之奇秀毓百年豪傑錦水冠
 三都之勝波翻一代文章馴野雉于桑陰鳧舄霄騰
 南國愛留蔽芾燦金鷄于栢署獬冠壁立西臺望肅
 川方旋分北闕之綸特擁西吳之節帝曰代余一人
 乘傳往睠茲劇地汝其觀風問俗若朕親行公念自
 天子所謂我來畏此簡書孰是剔蠹釐奸匡吾不逮
 攬轡有澄清天下之志下車先訪問大姓之名環瞻
 綱紀維新更無文章司命飭百寮之濟濟若簾內若

簾外宿鑰維嚴集多出之皇皇為從龍為從虎新標
廣闢得人事國行將藉手以報朝廷選士惟明期於
集思以襄盛典其等慚叨吏治快覩賓興羅一代之
鳳麟成事依人祇貼譏于碌碌竭寸衷之犬馬矢心
得士恒抱念於兢兢所恃主者之有人庶幾群焉而
塞責茲當鑠棘聿獻采蘋匪特慶泰運之亨嘉藉此
有壬有林誇賓主東南之美抑且奉法臺之訓令期
爾多方多士副王明夢卜之求佇候星臨曷勝斗仰

鹿鳴宴

請鹿鳴宴啓

宋葉澗

侯邦貢士共登天府之賢書上席燕賓喜遇春官之
座主秩初筵之俎豆侈盛事于衣冠共惟諸省元經
官總龜賦工校獵淵源問學腹載考亭之書藻火文
章神授山房之筆踏槐花而程藝穿楊葉以奏功螯
弧先登一人當百鶚書中雋八十加三合計闈學館
之英群胄子宗枝之秀衆科盛矣一舉斐然主考某
官天下達尊國中元老進為伊吕功社稷以澤生民
退友松喬身江湖而心魏闕四海覘其出處九重想

其端歸平地神仙聊作紫薇之引領翹材人物終期
黃閣之轉鈞同考某官有遷固才傳朱李學平岩領
嘯不妨飲山綠以哦詩禁闥賜環行見佩水蒼而入
侍某官受齋賢子省戶望郎諫笏猶存上記名臣之
風烈深衣獨樂士知前輩之典刑某官才美碩膚襟
懷光霽虎符龍節所至有良吏之聲官錦漁蓑非晚
歸侍臣之列某官九秋直幹千頃澄波舟薄蓬萊平
上玉溪之月騎宣竹馬催頒壺嶠之春某官松節高
寒棣華競爽訪麻源之二谷聊復拂衣橫野渡之孤
舟正湏作楫某官北平梧竹東序鐘鏞公休侍溫國

之旁從容洛社晦叔社呂家之美大小申公某官慶
曆丞相之家皇華使臣之節木牛給餉已高諸葛之
勲名金馬直廬行踵二蘇之志武某官諸儒北斗一
道福星義實仁聲兼有春生秋肅之氣直言正色宜
在朝論夕思之班某官筆橐從臣詞章岳牧冰壺秋
月鎔為西澗之清魁極台符下照東甌之分為諸賢
之勸駕食上佐以禮賓繡衣紫綬之相輝藍袖銀袍
之交暎指沙圓之佳識送天上之飛翰鼓瑟吹笙此
日升歌於華野傳衣付鉢明年同宴於瓊林輒獻伶
歌以鋪吉語下有七言律一首不載

入殼六十五人遂使其等桃李微芳濟濟列公門之
選參苓細品穰穰充藥籠之收質遠謝于璆琳貢同
天府聲僅參于甕缶奏獻天庭已聽鹿鳴之歌載聯
伐木之宴舉岐豐之丹槩誼講同心合秦隴之青衿
分均序齒金風薦爽天時與人事偕亨玉露飄香樂
事共賞心俱暢瑤華紛其炫耀徽奏競以闐駟凜師
道之尊嚴作為盟主仰風裁之貞肅奉以周旋藩臬
偕遊斗山相望簪裾豈豈光生几席之間談笑雍雍
道在壺觴之下信人生之希遇亶大化之兼成花映
曉光敢附曲江之盛事雁涵秋影豈云塔寺之舊題

伏祈玉趾之遙臨奚勝葵衷之欣藉

請按院赴鹿鳴宴啓

江西

明鄧光祚

攬轡江邦掄英桂籍龍驤學海人才際明哲之難鴻
漸天庭世道幸泰征之盛恭惟某官宣風方岳秉直
蘭臺璧奎行世本金纏玉壘之精英麟鳳遊庭信清
廟明堂之瓌傑家紹雕龍之慶國華黼黻之文百度
權衡群材藻鑑茲拔南州之藝苑允惟一境之俊良
占相譜遂滿于公門快賢書早登于秘府某等敬遵
典禮僭舉壺觴文筵歌小雅祈俯聽夫鹿鳴章水代
南溟冀坐觀夫鵬運仰承不外即賜光臨

代請正考鹿鳴宴啓

明鄧原岳

玉堂承詔詞臣稽古之榮金鑑掄材聖主得賢之慶
力追大雅再見淳風士欣遇合之奇人嘆文章之盛
恭惟臺下金書玉簡家臨禹穴以探奇天祿石渠世
際堯階而抽秘新銜綸綍會剖璠璣文星適度于江
津奎宿正臨乎郢甸竊喜拔茅之會恭逢撤棘之辰
潔彼芳樽儼然珠鳥肅候鳴鸞之馭祗聆祝嘏之音
請看三楚之梗楠盡屬一時之桃李

代請各院鹿鳴宴啓

明鄧原岳

文當啓運於昭大國之風道重作人式侈嘉賓之頌

惟龍光之遠照適燕喜之分臨幸際昌期聿觀盛典
恭惟台臺中和合德文武兼材節槩凜冰霜士歸欽
式風猷光日月人懼威嚴卽樽俎而功成信鼎鉉之
望重榘楠杞梓慶匹石之兼收琰琬璠璣多方城之
作貢于大夫之權衡不爽都人士之意氣方新共聽
鹿鳴喜看鴻漸遙借干旄之指恍瞻祭戟之臨不腆
承筐戒幣祗將乎明德有懷駐節乞言更切于周行
請鹿鳴宴啓

明趙世顯

皇圖日麗群工叨錫命之榮泰運天開多士慶彙征
之會蓋畿闈夙稱首善矧留都左盛人文自非主試

得人曷稱賓興盛典恭惟典試二公簪紱名家文章
華國多士咸望其丰采九重特廣乎恩波惟聖主在
得賢臣屬兩公出司文柄方舟共濟何殊李郭同登
並轡齊驅僉謂歐曾復出與其進也五千二百多士
擇而取之一百三十五人建業雲開見驊騮之着步
秣陵風好看鵬鷲之高飛消茲吉辰肅開芳宴鹿鳴
歌動鏘鏗聽金玉之相宣鳳彩光臨遐邇慶冠裳之
畢集伏望夙施膏秣期聯二駿於天衢並御樽罍快
覩雙龍于斗極英才濟濟方欽乎詞臣報主之忠僚
宗師師行且為聖世得人之賀

請主考張給諫鹿鳴宴啓

明樊王家

奎躔布彩際五星炳曜于西江天網張羅喜多士升
華于上國泰茅如拔晉錫收隆鳳毛畢集三驅燕喜
翹瞻四座恭惟其官靈鍾三晉秀毓雙星執牛耳於
中原天下文章豈特貴洛陽之紙傳鳳綸于萬國王
之喉舌不誇乘博望之槎公忠久著於軒轅眷注特
隆于禁闈緊當掖垣陟列之日即是袞衣無缺之時
天子有爭臣者七人北闕重糾繩之寄國家之舉士
以三載西吳分藻鑑之司朝取一焉拔其尤暮取一
焉拔其尤群無留良盡入公門之桃李才過千人謂

之英才過萬人謂之傑士罔攸伏咸充王國之球瑯
二百餘年之育成天寶物華快覩貞元會合九十五
人之簡拔雲蒸龍變欣逢衆正彙征蓋事君以言者
不若事君以人此行藉手以復朝廷益重諫台之氣
而待以國士者亦必報以國士他日比肩而酌知遇
預徵賢藉之輝某分曹師帥庸庸忝附多賢之國祇
役掄材凜凜叨隨共事之班緡俊又于賢書公不負
所舉矣藉光榮於主者臣何力之有焉茲當撤棘之
期爰慶食萍之宴鳳飛而戾天噦噦王多吉士孰非
爲則之英鹿鳴而在野叨叨我有嘉賓願聽周行之

示肅祈鴻寶曷已鵠瞻

請朱主考鹿鳴宴啓

明江騰鯨代書

鄉士薦公車若鳳苞而出之枳棘廷臣知貢舉即太
乙而秉之青藜此非天下第一等人烏能爲天下第
一等事茲值塲事甫畢宴典斯張謹洵吉而歌鹿鳴
期得士而登龍首某職忝監臨誼沾桑梓萬里來司
棘院啓夜郎以天下文章一網打盡英賢識名公爲
空中樓閣度役滌塗恭候命駕

聖中對閣更安新金葉未判命臨
棘刺密交頌以天子文章一臨下盡英習滿奇公爲
賈尉士而登讀首其鄰亦望朝前或桑梓萬里來同
一舉連茲前與事甫畢宴典祺靈藹儀吉而輝
丁而秉之青藤此非天子策一舉人鳥類爲天子策
灑士熱公車昔鳳苞而出之財棘我引以貢舉明太
請米主步賦與安裕
明玉齋
未顯不賦實昌日歸觀

送鹿鳴宴

送衛撫臺鹿鳴宴啓

明樊王家

節鉞鎮中臺萬里樹画熊之績奎纏輝上象九秋際
鴈鷺之辰睹泰運之文明知化工之浩蕩肅敷燕喜
仰瀆虎帷恭惟某官魚鳧挺瑞麟鳳蜚聲山川標劍
閣之奇共仰兩朝元老圭壁攬淇園之秀夙稱一代
文章由郡縣以掌法曹掾魏科而躋撫任甘棠勿翦以
伐人留既去之思桃李不言成蹊衆感中孚之信爰
承帝簡特撫江城兩年水旱焦勞爲萬姓請命于天
若嗟枯而潤朽列職冠裳肅穆統百官總攝于已咸

大法而小庶匪惟敦禮樂而悅詩書抑且弘菁莪而
收棫樸當此桂粟颺金之日正值鯢鱗擊水之秋試
觀十三列郡之蒐羅合庶內庶外而慈教同心孰匪
稟承於幕府快覩九十五人之入彀舉成大成小而
甄陶咸得誰非樂育於公門某等仰藉鴻庥欣逢駿
與有武備者有文事台臺恭已以受成分職要者為
職詳諸臣何力之與有茲當撤棘幸獻採芹豈徒昭
明信於溪澗沼沚之毛實以慶樂成于梗枏杞梓之
貢歌鹿呦而勸駕金臺價重鳳凰鳴矣而梧桐以生
遡麟角於張羅油幕功高元首明哉而股肱是賴仰
祈鑒炤曷已飛鳴

送南贛牛軍門鹿鳴宴啓

明樊王家代

玉節宣猷萬里壯元戎之績金臺招士百年際豪傑
之期張天網以為羅望星輶而獻瑞恭惟某官毓秀
秦關承恩漢殿百里應郎官之列宿桃花豔滿河陽
幾年披閭闔于五雲相院望隆桂史中外仰為祥麟
威鳳朝廷倚若喬嶽泰山三尺法持天下之平民自
不寬已感鵲巢於法署數萬兵富胸中之略帝是用
簡爰分虎帳於江州惟章貢控四道之咽喉若吳楚
若甌閩其間狐兔潛踪允重一方保障乃明公寔三

秦之豪傑爲安輯爲經略坐使貔貅吐氣頓清萬里
金湯旣樽俎以談兵且薪想而作士賢人國之大寶
黃金遣使正逢三載賓興師尹民具爾瞻白玉聯班
共羨多才群集百職矢心天日按圖於牝牡驪黃之
外總皆稟仰明威諸士奮翼扶搖得意於雲龍風虎
之交孰匪涵濡化育某等欣逢盛典仰藉成猷蔽鎖
院以肅內外之簾成事依人僅備紀綱之役喜應書
而緇甲乙之籍得賢爲國曷勝舞蹈之悰茲當龍見
之期爰慶鹿鳴之宴司橐籥而功成不宰豫章貢王
國之棟梁咏菁莪而樂且有儀沼沚獻野人之芹藻

統祈丙炤曷巳寅誠

送益府鹿鳴宴啓

明樊王家代

桐葉肇藩封千古龍光射斗新標收國士九秋鶻翮
凌霄敬采鹿苹賔嗽兔苑恭惟殿下慶衍鳳圖祥鍾
龍種國有長君社稷福泰山如礪黃河如帶億萬年
固磐石之基周之宗盟同姓先懷德維寧宗子維城
千百國仰箕裘之望問處家以何事最樂天王眷好
善之賢雖有國而居上不驕俊乂挹吐哺之度敏而
好學質有其文適逢鵬徙於西江環聽鹿鳴於南國
昌時翮得駿共高築旣自燕臺王國預爲楨迺祝卜

年綿漢曆其等喜襄駿典叨藉鴻禧視羔鴈之成群
寧翅拔茅之盛遡鳳麟之入殼不煩叢桂之招謹貢
菽筵敬馳芝殿酌江流之霏霏敢方姑冽明馨謂周
雅之呦呦仰荷藩圖厚慶統惟丙炤曷已寅誠

試官撤棘

賀按院羅公撤棘啓

廣東鄉試

明崇禎有年

栢府天高一氣轉鴻鈞之運棘闈日麗群英蒙大造
之恩文場拔士金榜稱奇開卷得人是科爲盛恭惟
某官才鍾川嶽掇翠萼于詞林學貫天人窺玄英于
藝圃風行炎海望驄馬而草木回光化洽青衿仰豸
袍而蓬茅增慶幸逢大比聿觀厥成肅令甲于群工
有嚴有翼求真才于五嶺至再至三日月無私光昭
宿儒之實雲霄有路高張賢士之梯喜俊彥之旁羅
詎曰珠遺滄海起英雄而入殼誰云玉泣荆山卓哉

永鑑之品題赫矣人文之宣朗蓋時當選舉其惟大
人乎柄茲盛典而士際賓興必有名世者出應昌期
為張九齡為余靖為崔湜可齊芳于異代曰丘濬曰梁
諸曰霍韜今再見于熙朝自新南粵之譽髦悉作中
朝之楨幹裴行儉知人之鑑當在後塵狄梁公為國
之忠豈容獨步其濫有安攘之寄慚無贊助之勞想
綏範于三城莫申寸臆覩珪璋于多士叨藉餘輝聽
工席歌鹿鳴寸丹歡同雀躍向台閔馳燕賀尺素敬
托鴻飛

賀兩司出廉啓

明蔡復一

車馬既閑求賢雖隆于專使鳳麟入殼得士必慶于
諸侯藻鑑兼旬取諸一日之合紀綱累月本之數載
之培法固相成功果孰倍在楚有故取譬可知辯淵
阿之劍者風胡而鑄則區冶獲雲夢之禽者校獵而
囿則澤虞况乃謹三物之興過時無怠逢六察之缺
貞度彌虔惟岳牧懷以人事君之忠肆江漢誇多士
寧王之盛鵬運兼厚於風積鸚擊益健於秋高蓋上
有其難之心靈章新為特典類公襄右文之事顯俊
卜得其人四表化成堪邁西京之棧樸三湘論秀果
蒸南國之菁莪允矣勞求居然獻適某欣司命持衡

之竣想主者鎖棘之勤雖都試展期異日應書壬子
然多才照榜是科必曰楚邦誰實為之展可賀也珪
璋出璞策叶漸鴻之繇蘭芷充箴采位鳴鹿之宴占
上賞之方懋愧申貺以莫將

塵主戴愚齋主試還朝公啓 明唐文燦

恭惟兩載佐成均教澤尚流于樸棧三秋臨試院藝
林方集夫榘楠欣逢祝聖之辰巧會生賢之月時非
偶爾事有由然蓋夔典樂龍納言德業連扶乎帝日
故樞搢精虹呈象光華早映乎輔星其雅蒙知己洪
恩恒抱隆師微悃慨一方鑪後阻候門墻欣千里歸
程過臻京闕豆觴夙具恭寓進以追補賀儀圖軸新
成強標題而盡摠懷臆焚香拜送捧牘叩祈仰嵩嶽
之鍾英作誦雖慚肆好占斗垣之應瑞陳謨更願惟
諧

主考給諫撤棘回京啓 明吳國倫

恭惟某官推朝著之準繩運鄉闈之鑑衡及期撤棘
品題盡協公評隨地拔茅登進大揚明試濟濟群雄
入彀駢駢四牡旋鑣鶴向高空鴻遵遠渚想晝遊仙
里暫披錦繡之華計春到皇都重補袞袍之闕耳目
與股肱交展聲名緣功實並騰猥以腐儒漫為冗吏

仰上臣事君之偉節當效執鞭懷北道作主之微忱
莫申投轄徒挹芳塵而悵望聊攀喬嶽以颺言願悉
方回天弘濟時艱于天下祈傾心就日永扶世運于
日中

送試錄附答

解試卷上申相公啓

明蘇 濬

盛世之文章每闢國運末流之波靡易蕩人心仰承
功令之頒特重詞林之選表章經籍廢黜異端辨真
儒於隻字之間復太古於狂瀾之際凡屬作人之寄
敢忘反樸之功某質績腐儒彫蟲末品曾習糟粕之
緒型範猶存况兼咳唾之餘羹壻對三墳五典曾未
測其藩籬二氏百家亦頗聞其紕繆每申邪正之辨
時黜軋茁之譚顧才謝方臯莫辨驪黃之外識慚雷
煥安知牛斗之光欲正士風自誚奔蜂之難化欲端

文體空嗟画虎之未成匪惟人摘其疵抑且自知其短茲當歲暮敬率彝章取諸生之陳言塵乙夜之清覽

送試錄上申瑤泉啓

明唐堯欽

穆穆思賢通新掄才之制休休樂善謬叨藻士之司敬獻先資祗告成事竊惟國家設科目以羅巖穴豈藉虛文後世飾文詞而獵簪紳無裨實用蓋其始也有司求勝于士略庸言庸行而責所不知故其卒也士亦求勝有司舍可知可由而炫所未見詞愈新而愈勝道彌似而彌非自昔孔孟之傳心幾為莊老之

無有誠誘進之術異致嚮往之途殊反之惟難矣也
已又恭惟某官文起八代望重三朝吐握巨時懋
勅天之佐鹽梅輔德允符齊帝之良升臣撰于公朝
棧樸菁莪皆為澤豹求匠石于臣室疏蕎與滌咸冀
雲龍謂國是先正人心惟文章最關士行爰主科臣
之議肇復京考之規宜有賢能廼稱任使其迂踈成
癖黥何知竿濫省垣絲毫無裨于袞職塵荒筆硯糟
粕尚昧于古人竭心智文字語言之間力可能也辨
神品毛骨色相之外知何易哉崇雅黜浮俛守台訓
蒐遺拔滯備列賢書握彤管鑒裁敢曰文章司命噓

洪鑪鼓鑄實賴造化元工患在人師道未墜地苟識
重而亟及願儆戒以相成起弊維風倘聖世復淳龐
之治失人誤舉惟微職耳謬妄之誅

送漕運軍門試錄啓

明樊王家

使節星臨萬里著熊羆之績賢書日麗九秋奮鵬鷄
之程士慶茅茹輝騰竹簡恭惟某官光含秦鏡利擬
吳鉤應五百年名世之期共仰祥麟威鳳振九萬里
圖南之翮欣逢風虎雲龍才何施而不宜運德禮政
刑於指掌望以久而益著合朝野中外以傾心旋邀
殿陛之寵靈特握淮漕之兵食惟南都寔帝湯沐邑

龍蟠虎踞千年拱王氣於關中若北斗為天喉舌司
熊武隼輿此日燦福星於白下豈特恩無遠不暨舉
吳西之十三列郡熙熙在宥盡皆沐浴洪庥抑且士
有待而興惟江右之九十五人濟濟同升孰匪涵濡
化澤屬賓興之竣事喜泰運之開天冀野群空已拔
尤於朝暮之取明光上獻隨授成于甲乙之筭爰藉
雲章用塵電覽碧油幕下共言敦禮樂而說詩書青
玉案頭或可振朝華而啓夕秀其待罪薇垣隨班棘
院因人成事聊將藉手以報朝廷敷奏以言謹用齋
心而陳法座倘其清宴之暇或加披閱之功即不敢

謂麟角鳳毛畢入三驅之選或庶幾太羹玄酒聿還
一代之淳稽首拜函俯躬待命

答各省送試錄啓

明于慎行

棘闈論秀已登天府之材楓闕升賢遠致星垣之使
殊寶不脛而自至群情快覩以爭先是承琬刻之頒
更枉琅函之問南宮代奏光分桃李之榮東序先陳
色溢球琳之瑞拜書欣抃報札屏營并修完璧之忱
少代報瓊之禮

附

答龔按院送校士錄啓

明焦竑

伏諗奉符行部馳傳遵塗顧此關關已於風聲而
服有如衿佩亦依雲蔭以自新媿馳驅之未能荷良
書之遠及恭惟某官清標嶷峙與學淵洄鸚立臺端
議論動關乎大節鳳儀詞苑文章無讓於昔人凜然
形審諤之風藉甚得中和之譽頃以澄清之餘乃運
其興起之妙機鼓舞羣才俄頃悉霑乎春雨銓衡衆
藝重輕不謬於秋毫迨窺入彀之詞英幾欲相傳而
紙貴揭聲華於白日開奎轍於青雲豈徒回軋萬之
奇陶鎔文體實以冀棟梁之出匠石國材某晚接緒
言早歛鳳望掄文銀管已幸觀北海之端接武金鸞

御觀造西清之席其餘瞻向莫既揆裁

鴻貴傲積華公曰日則金輝於青雲豈我回輿萬之
蓬重輝不歸於好字以實人請之歸英煥於時而
其與賦之於賦建德本州用悉露平春雨金澗泉
新寒清之風舞其舞中味之譽則以登春之節以與
精翰輝閣平大雅想爾同英文章無難於昔人稟然
書之表又恭封某官青嶽嶺和良學賦回輿立臺嶽
則亦吹舒亦分雲氣以自滌賦賦圖之未嘗前矣
光緒奉旨行陪嶼對賦金嶽此圖嶼山益風起也

上座主

登第上大司空鎮山朱師啓 明于慎行

絳節遙開東省憶傳經之地碧衣新試南宮叨擢第
之榮微名久荷于陶埏大造真同乎壽域恭惟老師
一代宗臣兩朝碩輔神惟嶽降廬山鍾五老之英文
擬河懸彭蠡倒三江之勢播芳猷於中外四十年姓
覆金甌應廡運於明良五百載名符玉籙光膺寵綽
特借漕臺重臨懷保之民變齊至於魯變曾至於道
茂建平成之績自汶達於濟自濟達於河已崇三少
以升階行列四隣而輔化伏念其稟資闇昧際運孤

寒冉冉橋椿但棲遲於墨綬森森棠棣皆偃蹇於青
袍自其斥鷃之蹤奚有漸鴻之望幸從髫髻即荷甄
收板之驪黃牝牡之中納之蘭蕙瓊枝之列薇堂春
永三年披座主之風栢府宵寒乙夜立門前之雪韻
軒轅之律呂官商爨下焦桐揮郢匠之斧斤黼黻溝
中斷木遂成溉植力田不假於逢年自入門墻總角
忽觀乎戴弁天高地厚鏤丹素以何窮口居月諸感
蹉跎之已久更壘軫念誨深提耳之言復荷栽培名
與點頭之選拜綸音於鳳闕自知身出裁成披緇帙
於鑿坡正恐學慚造就酬恩何地屏營桃李之蹊感

德終天徒倚瓊瑤之詠敬陳蕪啓聊布私衷伏冀
涵可勝企望

上劉座師啓

明周仲十

彤輪額俊畢收七十子之奇赤社分符雅重二千石
之望埒乾父坤母而並大並親生君治以稱三恭惟
某官麟鳳毓精英胸吞八九雲夢龜螭鍾瑞氣背摩
十萬天風蚤樹幟于詞壇名高燕許洊蜚聲于仕路
望重馬班當弓旌選士之初持藻鑑掄材之柄青天
萬里不辭蜀道之難白雪一聲誰和郢人之曲懸文
林朗鑒廻執海倒瀾收有用文章言言可昭經濟秉

無私日月人人共戴高明其編帙蝨蠹蓬蒿斥鷃何
人薦馬無殊孔氏鑄類有志依劉媿負徐公舉葛桃
李陰初合誰云陸氏荒涼芝蘭晚競抽益見于門高
大

上主試官

下第上主試官啓

明李循義

鴻飛豹隱之賢爭謁元老龍蟠鳳逸之士願識朝宗
大抱道孤高舉足皆避塵之地挾藝自售在眼盡操
筆之門何諸子抗靜守之操于二公涉兢進之途齊
雲趙勝嫌鑿採之未明黃祖曹瞞若親愛之未篤惟
大人君子之具美斯天下賢士之歸心盧狗悲號於
韓國之前不吠外客駮駢延頸於孫陽之側熟視庸
鶩物亦有靈人顧無覺恭惟執事八閩人豪九牧家
學盛年擢第顯重慶于高堂筮仕讞刑活楚囚于永

巷為天子執法獨去亢 當齊民履休累淹外任祥
符熊軾欽大患于一方玉鑑米壺壓清名于十郡制
夷使索求之橫敵美蘇公抑宦官貿易之貪縣芳韓
絳罪躬禱雨來仁會父子之歌勦惡安民起劉敞神
明之號行不待照天之蠟蠟身自是水晶之燈籠修
學常山北州多伏氏之學移風蜀郡齊魯有文翁之
風英俊來歸知宋博之好士奇才就舉感張詠之崇
文故其慚列儒者之末流思出大賢之門下正謂無
鹽醜女願侍王宮敢謂莫邪銛鋒欲克相佩然竊亦
有自負者質頗異於凡兒志不混於俗輩越階而進

壯橫渠之希聖人出位而思誼文正之憂天下繼觀
學海愁萬頃之文瀾深入詞場驚百恠之筆陣銳氣
期功名之立就迂言恐富貴之逼身詎意非角登場
還見壯年在洋邇者愧黃通眼桂馥薰心梧葉秋高
塞鳥奮搏風之翻桃花春暖江鱗揚觸浪之鬢三載
練精之兵行將盡發一朝決勝之捷事在必成誰謂
居康了之中我又出孫山之外梯山短履阻乎鬱之
棘籬浮渡小舟恨中流之鐵鎖失會干安之閣重登
王粲之橫坐咄咄以書空行匆匆而迷路夫惟宗生
先生奉旻天之公覆揚秋月之明輝衆皆得人豈獨

遺我蓋書生薄命有儒能誤身之悲詩人多窮觸卿
自棄朕之怒紅顏累體老栢苦心天下長者屬孟舒
得免官於尚德之主匈奴飛將號李廣不封侯于好
武之君是故以宣公之文衡昌黎宿齊魯之第雖東
坡之藻鑑方叔負劉蕡之稱降刑賞之論於過疑黜
彩霓之音於偶誤固非應舉者之無其具亦豈知貢
者之失其評時來則頭點朱衣運去則眼迷日色王
俊氏之號先播市語大山軍之名預形夢寐數由天
定事借人爲其所以不利主曹遠慕孝標之行益求
在我仰成齊皞之風且欲待才老而成時至而起高

卧東山之舊石長嘯南陽之遺墟但貧無卓錫窮已
極骨繩樞席戶羨玉川子之廬毳褐鶉衣耻東方士
之服未仙而穀已辟非廉而飽自無奉菽水而泣斑
瀾淚滴和氏飯糟糠而鼓琴瑟知憶鍾期昔羅友家
貧跪柳榆而泣郡周盤母老喟汝墳而舉廉唐佐覓
官伸由仕不擇祿之屈毛義奉檄曾參養必及親之
歡是變出無何皆權以有濟然機不適會則勢亦難
圖守令伯之孝聞名非驟得更汾陽之武舉學未兩
全寄迹南陽以發身德彰之儀文羞比易名他州以
取解君行之垂訓忍遺念章句之腐儒進無他道假

文墨爲贅禮賴有此途見出吏部者三上宰相之書
不第茂才者五百內翰之啓流落楚漢者文章歷抵
公侯餓走九州者詩律偏干卿相逃讒于楚者談附
民之兵解嘲于漢者獻河東之賦况持平謫淺之小
枝敢侮于高明之大家往哲指南後主守轍敬伸寸
楮僭假鼎詞白屋寒微逢趙武而軒冕竟庫隱滯遇
文子而廟廊君實弗言安世私懷國寔得意未薦茂
林暗吐天葩以故真宗慮志士之隨亡常令起白仁
祖患古學之難進每詔上閣想謝泌之焚香而餘馨
尚存看陳襄之屬草而遺墨有濕君夫開庫專城之

任尤在招賢進能之衡士居其邦命由其造揚之出
層霄之上抑之涵九土之中濟南郡侯偉終軍之壯
節并州牧伯奏子淵之逸才賈生鍾愛於吳公蘇鱗
受知於范老楊洪投何祗於寸策陳寵招王渙之能
名慈明人龍子師首辟景仁世傑薛金專稱間有刺
史不迎賓邵卿無食客下彤闈而忘布衣者興楊貫
之辭泛潁湖而恠求舉者服程子之義惟執事屬今
世而追古道振士氣而歸人心拾遺珍于道傍羅逸
翰于天表大奇趙氏後舉博學之科首擢孝先復冠
春闈之榜誠所謂有才德者知才德也某文應駿圖

之求謬承蛙楫之待不耐紅爐之再煉竟掩白日之方明正左車不得稱勇之時何項籍左謂非戰之罪豈兵家無常勝之理暫蹶孟明將才有益勵之強終伸曹沫荀敬侯之舉善不進不休呂聖功之選才弗用弗止伏願執事無懈申公好賢之心重補韓王奏上之牘則宗主先生亦將喜共成之助未必恨相忤之私彼陸相得人從補闕之先舉公權取士從祠部之轉稱裴垺外聞吉甫盡收善類王堪旁贊田歆乃獲名流蓋握權而冗者或有未及經事而識者若在所言如某一鷄勝百鳥固不任孔融之褒野鶴在群

鷄亦未備嵇紹之實待幸與善之情勝容人之量宏叔向降迎取其自語龐統稱述過其真才發穠花于朽株綴豐肌于枯骨如李迪下第得子明而重升王復不魁見承叔而更取則其將觸刃而進橫戈而前淮陰追亡之餘連却齊趙鵬舉釋縛之後直禱燕幽雖懷英不責報于桃李之春在孺子敢忘本原之地未望超足登臺閣空美山公之名願效披腹呈琅玕不辱太守之薦且膺尊嚴不勝戰慄

知甘雨和風以長養為能物有生而咸遂至於文學之委又皆充養之餘謂八索九丘之書期于適治黜諸子百家之說意在尊經將廻文海之倒瀾坐握士林之朗鑿念鑿乎粟帛之用斯謂真才况炳然日星之垂有如明詔體裁痛排於軋茁議論務采其崇深散木輪困必歸繩墨祥金踴躍悉入陶鎔盖元老廟廊夙秉中行之尚故文章寰海漸還大雅之風師門成就之恩深化冶幹旋之功重冀終領乎大誨敢預秩乎初筵某日南呂知秋北平選勝金飈珍廓當煙霞召我之時玉鉉茲開又文酒啓予之會下高群之鵷鷺發和奏之笙鏞榴花浮酌盃搖日月之光葛蔓調絃座擁神仙之氣豈獨解頤于清曠之地抑將喻指于道術之門伏願早賜鳴騶下辭曳履五雲縹緲庶瞻躔極之三台六合紛紜再睹殿庭之重席其為榮幸莫既敷陳

請范座師啓

明焦竑

文苑持衡夙仰人倫之鑒賢書奏士幸歸師匠之模自知報稱之難人歎遭逢之盛樽俎載修於燕喜消塵仰瀆乎鴻慈恭惟某官天真朗徹地望高華體大雅以成文蹈中庸之為德毓兩川之秀共推相如楊

子雲之善鳴志三代之英行與闔天散宜生而爭烈
蓋蒼生待爲霖雨而學者仰如泰山爰輟朝聯傳之
文炳以專門易學而旁抽䟽通知遠之書以絡井儒
英而縱覽南北東西之士璠璣博采非但爲一時宗
廟之輝杞梓兼收固欲作異日棟梁之用遂致溝中
之斷咸爲席上之珍鵬搏冥海之風九萬餘里士占
瀛洲之數一十八人愧糠粃之在前喜葑菲之無下
此上臣事主不以已而以人乃志士酬知在立功而
立德冀祗承於大誨敢預秩乎初筵敬諏月日候爽
氣於層霄善清觴於別院鳳城西啟雲屢起而帶
虎座南臨風時來而度水間關巧轉覺林鳥之能言
荏苒盈條覩海榴之弄色一曲寫無邊之恩紀千鍾
汎不盡之情瀾所望儼然不辭賁止豈獨解顏引坐
得分雙燭之餘光抑亦問字質疑共閱八軌之過影
其爲榮幸莫旣敷宣

會請座主學士啓

明唐文燦

竊惟鴈塔附名倖仗品題之雲庇龍門借步驟膺接
引之台慈旣深荷於生成宜飫承乎訓誨雖班非玉
筍登庸慚衣鉢之傳顧器出金模造就仰鑪錘之鍛
特筮念三之良日共輸百一之悃忱汎洒門堂肅陳

筵几移蓬瀛於咫尺對山斗於斯須庶淺澗微潢會
滄海而旋生波浪使新桃細李迎薰風而倍長精神
樂莫大焉榮斯極矣伏祈鼎允俯應蒙求

請座主宴啓

明宋堯俞

香入杏園喜均飄于紅雪光生華榻幸同附于青雲
斗奎熠燿其文明寰宇遭逢于熙泰恭惟某官鈞深
學海囊括詞林借箸以爲帝者師昌言而作人主傳
補山龍之華袞沛旱火之甘霖當世推功生民被澤
秉大始洪鈞之德垂披沙剖璞之仁掄多士以貢金

鑿引群仙而升玉陛龍虎悉歸于乙榜鳳鸞舉集于
丁年某等獲中文衡叨承藻鑿豈敢嗣登庸之衣鉢
亦惟憑接翅之階梯春風初長其羽毛霹雨驟生乎
頭角感恩無地酬報猶天茲者暑潦霽于新秋涼颼
生乎長日端居多暇門館常閒由窮壤以際台垣就
中書而一座主所期沿集宴續慈恩候道左之鳴珂
望塵中之環珮仰藉金鉉之重俯爲玉筍之榮黃繖
下自西清繡裳來從北極月傍九霄而徹俎星臨萬
戶以停樽佇迓高車預陳短札

請座師全玄洲啓

明謝廷讚

帝簡師臣吹萬拱麒麟之象士榮里選壘百載鳳皇
之將鉞雖曲而沾慈器使絲綸之用草卽腐而縈珎
化成熠燿之輝泰茹深慚乎鹿鳴需雲載修修乎燕喜
恭惟老師雲姿月步玉相霞標鰲角應星昂麗文昌
之府岐嶷對日斗懸上相之魁孕四明之坤靈旁通
日月星辰之耀窮二酉于石簣博綜甲乙丙丁之書
誦玉堂青瑣之文鳳裁五色瞻華蓋紫垣之象龍躍
九淵佇看釋筆硯而操化權具見司喉舌而藻上命
喁喁公輔之望步咫尺以卿雲斷斷洙泗之間豈尋
常之月旦屬者環橋之秀孝磨至畿輔之茂異雲蒸

雖匪鼉采夜光各抱春華秋實綸音簡筮珪璋特達
之知蕪俚兼收瓦缶鏘鳴之遇北牡驪黃之外神識
自具國能輪困離竒之姿先容無勤師匠固將脫西
山而度函谷是以出富水而就華陰敢謂應五百之
昌期謬得班百五之姓字原非露種豈湏桃李之言
自是秋江一任芙蓉之怨蓋上臣事主不以已而以
人故公門薦賢非爲私而爲國旣采菲葑于初筮敢
肅蒞藻于初筮敬諏月日熙登臺之泰運敬負牆以
蒙求披雲霧而覩天坐春風而醉月美調雋永印藉
鹽梅之和座挹芬芳親炙芝蘭之室上期臯比下祝

繩樞洵鵠立而跂予豈鴻蒙之忘朕弟子非獻酬之
主借翰林以為主人明師佇高軒之過將樂餌誰非
過客一价子佩青青簇楊柳之旌方丈賓筵肅肅警
雲霞之蹕其為寵錫莫既敷陳

請余老師啓 兵部

明于慎行

夏官之屬六十特高列棘之班魯國之士三千夙佩
菁莪之教化雨幸沾於闕里卿雲快覩于台垣式肆
初筵恭申下悃恭惟其官三朝碩彥一代偉人鍾五
嶺百粵之奇靈珠在握總七畧九流之要朗鏡澄襟
鹿洞鵝湖文采風行於海表多冠鵠印妖氛波偃於

江南天下翕然而宗之廷中無出其右者乃旋計龍
之駕即看司馬之來當安危注意之時須文武兼資
之畧乃從泉右入贊樞機黃石韜鈴胸隱甲兵之富
青霜武庫坐窮蕭轡之元豈但予王之爪牙具瞻圻
父亦且公門之桃李常對嚴師吹萬不同有三如一
在晉二十年之離合望粵嶺有若尼山即今五六人
之從遊侍燕臺恍如沂水爭喜德星之聚况當湛露
之初謹詹其日爰披絳帷恭迎赤舄卿省惟月同登
樞密之堂士從如雲共擁臯比之坐枉簪紳于一日
柱下彈冠落珠玉于九天席前借箸不獨趨步為諸

生之模範

公宴致語

明周炳謨

平格持衡天祐際奎躔之會先知秉鐸賓筵依斗極
 之光接泰茅以彙征鳴豫朋而簪蓋五色雲環鳩鵲
 地近蓬山一時風動夔龍班聯璧府工歌天保世洽
 人文恭惟內閣元老相公道包萬有忠貫三精密勿
 陳謨格君心永保萬億年之尊榮安富端揆輔政調
 元化丕昭十一朝之禮樂文章上憂國下憂民抱感
 時憫事之誠而心獨苦內以修外以攘運安邦濟世
 之譽而功不居巨靈獨障而巨浸消可是四維鎮地

萬足共承而鼎實莫欣瞻八柱擎天猶謂藝文關國
 家之盛衰人材藉培養而成就以天下璇璣而頓八
 埏之網以人倫稱量而空一顧之群沿冊府之規薦
 賢以為社稷侈玉堂之典開閣而引諸生總鼎甲之
 員若二十八宿之經天僅少其一合庶常之彥准二
 十四候之成歲恰合其符兩陛雲從一堂星聚上方
 以出綽為謹而薪標獨廣于造士堪誇三館竒逢士
 方以連茹為慶而師濟稱最于詞林快覩百年盛際
 君父陶甄之力大矣臣子稱塞之忠謂何羽鏃成風
 洞革允資于利器鑪錘造化躍冶戒于祥金亦步

亦趨如追如琢紫薇攀附寧工肇悅風雲碧落騰驤
須砥汗青日月庶酬知遇不負生平方今時屆授衣
吉蠲鼓篋月明河宿爛直可乘槎以問津風高天氣
清共喜披雲而見日螭頭韻遠鸞車盼上相之臨鷓
尾影移魚佩儼群真之集度金商于簫管共九霄玄
屑俱清斟玉河于尊壘比千頃汪波並澈某等望三
山于海畔鰲戴奚堪捫列宿于天階蟬聯胥慶敬酌
黃流而進竿聊杼丹素以騰歡詞曰風高薇省秩初
筵勝會今年異昔年文運重陽方轉泰師模北斗更
多賢露凝片玉邀瓊鳥菊散叢金映木天共祝皇明

膺永命仰酬霄漢主恩編

請座主啓

平反不諧
稍為修改

明屠隆

吐納靈潮屬神龍之變化酌量元氣在斗極之平衡
大鵬鼓垂天之翼必借力于風雲八駿騁逐電之蹄
亦取資于銜轡都人士之意氣鳴張寧逃主者子大
夫之文章鵠起爾何能為彼鎖棘闈而入實驅司命
而來走造化于筆端片言寵辱握星辰于掌上萬里
升沈之玉之石一顧盼而已分為龍為蛇不斯須而
遂定揚之則昂藏于霄漢抑之則淪落于泥塗似此
鈞衡之司可忘水木之自恭惟某官東海鉅儒南宮

清德石帆秦望競秀于會稽玉簡金書探竒于禹穴
碑枕蘭亭墨妙右軍之筆波涵鏡水文馳賀監之聲
夫祿校讐星臨太乙甘泉扈從賦擬凌雲暫違侍從
之班來况掄材之地日分蒼素口辨淄澠象罔之求
玄珠去喫詬離朱之迹伯樂之相神馬觀存亡滅沒
之機設天網以該賢頓八紘而掩雋提之汨沒起迹
羊豕之間出之風塵共赴雲龍之會雖甚盛德蔑以
加諸何以報之如彼罔極敬申燕喜爰治具于庖入
聊叙雅懷用傲寵于執事伏惟不鄙諸生惠然臨况

請座主宴啓

明

道協明良際風虎雲龍之會業隆敷錫慶葉征茅拔
之秋戴日月之清光自今伊始荷鑪錘之鼓鑄其克
有終俯罄燕私仰希鴻造恭惟某官間氣清寧元精
昂畢崧高維嶽甫申鍾天授之奇圖出於河經緯紹
人文之統金閨通籍四十年價重斗山玉宇調元億
萬載績流天壤人情賢於夢卜儼仁考之得鄭公雅
望鎮乎裔夷知中國已相司馬躬握髮吐哺之節大
噓髦士以春風開集思廣益之門厚植忠賢之正氣
羣流响澤庶品蒙庥如某等簞屨遐踪甕繩織質九

霄結慕徒懸就日之忱三采承温遽辱移陰之庇謂
上臣事君以人側陋明揚成資翁受而養士若金在
治方圓銳鈍惟所凝成既屬標薪爰勤斧藻欽哉時
亮數盈舜命之一人彰厥有常名重臯謨之庶士豈
直披文相質鬪妍於月露風雲固令學古通今宣力
在股肱耳目擴經術以經世務期正心而正朝廷觀
造就之若斯愧報酬其何自敢不端蒙學海邁晉為
山日近瑶華顧鈍頑而增玉潤時霑蕙露振枯朽以
發天葩謹詹某日式布橋衡祗承著蔡木天薦爽珮
環響動秋風瀛海澄虛欵唾芬浮霽月將一味一觴

而靡非至教俾以趨以步而羣屬後塵用昭密地之
榮觀共紀熙朝之盛事豈勝鰲抃敬藉龍光

